







原件短缺

缺 13-17 卷





天元玉曆卷十八

附錄雲氣入列宿占上

雲氣入紫微垣

荊州占曰紫微垣有雲氣如鷄  
雖出此子孫之氣赤黃氣潤澤  
入天子有喜黃白氣如旗起人  
主壽如杯破碗入有璧玉喜白  
氣出有喪黑氣入有兵



雲氣入北極

天文錄曰北極北辰最尊者也  
其紐星天樞也黃白氣入兵起  
黑氣入大人憂黃白氣如禽獸  
類走如飛鳥入神氣有喜



雲氣入鈎陳

樂緯執圖微曰鈎陳主后宮黃  
白氣出不戰兵在外者罷赤氣  
出將有功蒼白青黑氣入皆主  
大司馬憂







雲氣入四輔

天文錄曰四輔星輔佐也黃白  
氣出將相有喜黑氣入有病



雲氣入天皇大帝

天文錄曰天皇大帝其神曰耀  
魄寶也主天文象黃白氣入有  
喜出則改立王者



雲氣入五帝內座

天文錄曰五帝內座在華蓋之  
下黃氣入君有喜當立宗廟氣  
入不出六十日太子即位



雲氣入天柱

天文錄曰天柱主建政教赤黃  
氣入天子喜封廟陵事氣出天  
下受喜三公受爵黑氣入將相  
死






雲氣入六甲

天文錄曰六甲主分陰陽化時  
節黃雲入術士興蒼白雲氣入  
太史官受賜



雲氣入御女

天文錄曰御女主御之妻象也  
白黃氣入有子孫喜黃氣入后  
妃受賜蒼白氣入后宮多病






雲氣入女史

天文錄曰女史主婦人之微者  
主傳漏黃白雲氣入女史有喜  
慶



雲氣入柱史

天文錄曰柱史古者有左右史  
記事此之象也黃氣入君賜爵  
祿蒼白氣入左右史死黃白氣  
入柱史遷






雲氣入大理

天文錄曰大理評刑斷獄黃白  
氣入有赦刑罰之官受遷黑氣  
入決獄不平刑罰官受黜



雲氣入陰德

天文錄曰陰德主周給賑撫黃  
氣入天子有喜諸侯受賜黑青  
氣出太子憂之






雲氣入天牀

天文錄曰天床主寢舍燕休赤  
黃氣入天子有喜黃氣出后宮  
有子孫之喜白氣入君不安青  
氣入君有憂




雲氣入華蓋

天文錄曰華蓋如蓋狀所以覆  
蔽帝座黃氣入天子喜赤氣出  
侯王受賜








雲氣入八穀

天文錄曰八穀主歲豐儉黑氣  
入萬物不收大荒陰



雲氣入傳舍

天文錄曰傳舍主賓客館舍黑  
雲氣入胡兵侵中國



雲氣入文昌

天文錄曰文昌天之六府也黃  
雲氣入三公受賜蒼白氣入將  
相憂赤黑氣入三公黜



雲氣入天牢

天文錄曰天牢主貴人之牢也  
黑氣大圓長三四尺出貴人親  
屬有憂






雲氣入勢

天文錄曰勢星主助宣王命內  
常侍官黃白氣入中官受賜赤  
氣入中官叛黑氣入中官憂




雲氣入北斗

天文錄曰北斗七政之樞機也  
有五綵雲氣入天子立太子赤  
氣覆之黃氣入君喜黑氣入民  
憂赤氣入宮廟火災黑氣如禽  
獸狀入虜入塞








雲氣入相

天文錄曰相星主總領百司而  
掌邦教黃氣入諸侯有喜



雲氣入天理

天文錄曰天理主執法之官赤  
氣入中兵起將相行兵



雲氣入太陽守

天文錄曰太陽守主大將大臣  
之象黃氣入大臣受賜蒼白氣  
入將軍戰死赤氣入宰相憂



雲氣入天一

天文錄曰天一主戰鬪知吉凶  
黃氣入君臣和萬物成朝多賢  
士天下太平黑氣入宰相黜





雲氣入太乙

天文錄曰太一主風雨水旱兵  
饑黃白氣入百官受賜赤氣入  
兵革遍野蒼白氣入民多疾病



雲氣入天棊

天文錄曰天棊主分爭與刑罰  
蒼白氣入兵起將死黃白氣入  
臣有拜賜黑氣入大人憂





雲氣入玄戈

天文錄曰玄戈主胡兵黑氣入  
胡兵進白氣入胡兵疾疫



雲氣入太微垣

天文錄曰太微垣三光之庭黃  
白氣入有光人主益壽黃氣如  
帚入有婦人喜赤黃氣入天子  
有劍喜氣如獸入天子用獸賜  
諸侯白氣如杯椀入有璧玉喜  
若青黑赤氣入皆有憂








雲氣入五帝座

天文錄曰五帝座在太微垣中  
 黃氣入天子有子孫喜青赤氣  
 入近臣有謀蒼白氣入有喪事



雲氣入東西掖門

天文錄曰左掖門在端門東右  
 掖門在端門西若左右掖門有  
 黃氣入天子喜蒼白氣出有喪  
 事青氣入有兵起黑氣入有憂





雲氣入幸臣

天文錄曰幸臣者親愛之官常  
常侍天子青赤氣出五帝座入  
幸臣中不出六十日近臣謀君  
氣不明者不成氣明者成

雲氣入太子


天文錄曰太子者帝之儲也黃  
氣入太子喜黑氣入太子憂





雲氣入從官

天文錄曰從官主疾病巫人黑  
氣入巫人受戮黃氣入巫人受  
爵



雲氣入郎位

天文錄曰哀鳴郎位也黃氣入  
潤澤中郎受賜黑氣入中郎雙  
死蒼白氣入中郎為亂赤氣入  
中郎兵起





雲氣入五諸侯

天文錄曰五諸侯主刺舉成不  
虞蒼白氣入諸侯有喪



雲氣入三台

天文錄曰三台者在人曰三公  
黃氣入將相有喜黑氣入三公  
憂蒼白氣入三公黜





雲氣入天市垣

天文錄曰天市垣天子之市天下之所會也黃白氣入繒帛常集天市中有神氣如奇物入天子喜黃白氣入萬物賤蒼黑氣入萬物貴赤氣入市中有火災

雲氣入貫索


天文錄曰貫索主賤人之牢也蒼白氣入天子亡地赤氣入兵起黑氣入獄多枉死黃氣入天子喜





雲氣入女牀

天文錄曰女床主后宮御女也  
黃氣入後宮有福白氣入有喪  
黑氣入有死者青氣入宮女多  
疾病




天元玉曆卷十九

附錄雲氣入列宿占下

雲氣入角宿


晉書曰角宿為天門左角為理  
主刑右角為將主兵有蒼白氣  
入左角星兵敗出右角星戰有  
憂






雲氣入庫樓

天文錄曰庫樓兵車之府有赤  
氣千尋天子自將兵



雲氣入亢宿

晉書曰亢宿為天子之內朝廷  
也有雲氣入民主饑疫








雲氣入攝提


天文錄曰攝提為楯擁夾帝座  
 黃氣公卿受賜青氣入九卿憂  
 赤氣入戈楯用黑氣入大臣死



雲氣入折威

天文錄曰折威主斷獄黃白氣  
 入有和親天子喜蒼白氣入大  
 臣為亂黑氣入天子惡之





雲氣入氐宿

晉書曰氐宿為宮后妃之府也  
蒼白雲入疾疫流行黑入大水




雲氣入大角

天文錄曰大角天王座也青氣  
入千尋如檣衝過者殿梁折青  
氣掩君憂白氣掩有喪黃氣出  
國有憂




雲氣入招搖

天文錄曰招搖為天庫蒼白氣入相死赤氣入兵亂黃氣入兵羅白氣入大人憂



雲氣入梗河

天文錄曰梗河主矛鋒備不虞赤氣入有大戰蒼白氣入將死





雲氣入騎官

天文錄曰官天子宿衛之士也  
蒼白氣入騎官死



雲氣入房宿


晉書曰房為明堂布政之宮黃  
雲如人入者后妃有娠赤氣入  
兵起





雲氣入尾宿

晉書曰尾宿為后宮之場后妃  
之府蒼白氣入君有故臣來氣  
出臣有亂



雲氣入龜

天文錄曰龜星主贊神明定吉  
凶赤氣入卜祝官憂





雲氣入天江

天文錄曰天江主太陰青氣入  
車騎出黑氣入多雨水黃氣入  
兵罷黃氣出兵出



雲氣入傳說

天文錄曰傳說主後宮女巫也  
主興長子孫祝祠神靈赤氣入  
女巫憂






雲氣入魚

天文錄曰魚星主理陰陽知雲  
雨之期赤氣入兵起將憂氣出  
兵罷黃氣入天子用事氣出兵  
起




雲氣入箕宿

晉書曰箕宿亦后妃之府也蒼  
白氣入四夷內侵黃氣入蠻夷  
來貢







雲氣入斗宿一名南斗


晉書曰南斗為天廟丞相大宰  
之位蒼白雲入多風赤雲入兵  
起



雲氣入牛宿


晉書曰牛宿為關梁主犧牲蒼  
白雲入多疾疫赤雲入有兵攻  
城





雲氣入河鼓

天文錄曰河鼓天鼓也主天子  
軍鼓黃白氣入天子喜赤氣入  
兵起黑氣入將死青氣入將憂




雲氣入九坎

天文錄曰九坎主溝渠導引泉  
源青氣入天下旱黑氣入百川  
溢



雲氣入織女

天文錄曰織女星天女也主瓜  
菓絲綿珠室蒼白氣入女子有  
疾赤氣入女子多死於兵黑氣  
入女子憂黃氣入女子有喜




雲氣入女宿

晉書曰女宿妻妾之稱婦職之  
卑也赤氣入婦女多以兵死白  
雲入女多疾疫







雲氣入天津

天文錄曰天津主四瀆津梁黃  
白氣入天子有德令蒼黑氣入  
主大水



雲氣入瓠瓜

天文錄曰瓠瓜主天子菓園也  
蒼白氣入菓多不實赤氣入天  
下菓多實黃氣入天子以菓賜  
諸侯黑氣入食菓多致疾疫



雲氣入虛宿

晉書曰虛宿為廟堂主祭祀禱  
祝事黃氣入天子以喜起廟祠  
蒼白赤氣入有土工蓋屋之事



雲氣入天壘城

天文錄曰天壘城主鬼方北夷  
之事黃氣掩之北夷滅有疾疫





雲氣入敗白

天文錄曰敗白主敗亡灾害黑  
雲氣入人主憂



雲氣入危宿

晉書曰危宿為天市主宗廟宮  
室又主營造受藏之事蒼白氣  
入風雨損屋





雲氣入室宿一名營口室

晉書曰營室為宗廟又為軍糧之府也黃氣入光潤如日月天子有男子之祥白氣入有喪赤氣入兵起



雲氣入羽林軍

天文錄曰羽林軍主天軍翊衛也蒼白氣入后憂黃氣入后喜或受太子所獻黑氣入諸侯惡之





雲氣入北落師門

天文錄曰北落師門主北方藩  
落蒼白氣入憂疾病黑氣入主  
憂黃白氣入天子喜出中使出

雲氣入壁宿

晉書曰東壁主文章天下圖書  
之秘府赤氣如日月潤澤入男  
子之祥白氣入大人憂



雲氣入奎宿

晉書曰奎宿為天下武庫又主  
以兵禁暴橫黃雲氣入天子宮  
中有喜黑氣入有憂蒼赤氣入  
有受命來降者



雲氣入土司空

天文錄曰土司空主掌水土事  
黃氣入土功興國移京邑








雲氣入附路

天文錄曰附路主便閣道遙也  
 蒼白氣入太僕死赤氣入太僕  
 受誅




雲氣入閣道

天文錄曰閣道主輦閣之道黃  
 氣入天子喜白氣入有急事黑  
 氣入主有疾



雲氣入王良

天文錄曰王良星主天子奉車  
御官也青氣入奉車御官憂隊  
車赤氣入奉車御官有斧鉞之  
憂黃氣入奉車御官受賜




雲氣入婁宿

晉書曰婁宿主苑牧犧牲供給  
郊祀黃氣入貴人受賜白氣入  
人民受賞赤氣入主兵







雲氣入天倉

天文錄曰天倉主五谷所藏待  
 邦之用黃氣入歲大熟蒼白氣  
 入歲不熟赤氣入兵起大旱倉  
 庫有火災



雲氣入天大將軍

天文錄曰天大將軍天之大将  
 軍也蒼白氣入軍多疾赤氣入  
 主兵出




雲氣入胃宿

晉書曰胃宿為天子厨藏主倉  
庫廩蒼白氣入有糶粟事黑氣  
入倉困敗穀腐



雲氣入積尸

天文錄曰積尸在大陵中墓也  
主死喪蒼白氣入人多死黑氣  
入民多疾疫








雲氣入昂宿


晉書曰昂宿為旄頭胡星也有  
蒼赤氣入人民疾疫妖言起胡  
兵入



雲氣入積水

天水錄曰積水主水官供給酒  
食蒼白氣入有水災





雲氣入天苑

天文錄曰天苑主天子養禽獸  
之苑蒼白氣入獸多病黃氣入  
牛馬蕃息黑氣入牛馬多死



雲氣入芻藁

天文錄曰芻藁主積藁之屬赤  
氣入有大憂天子因火散財黃  
氣入天子財寶出



雲氣入畢宿

晉書曰畢為邊兵主伐攬白氣入畢口其歲大人必有生者赤氣入必有兵起旱火災蒼白氣入歲多收




雲氣入五車

天文錄曰五車天子之五兵車舍也蒼白氣入民不安多流亡赤氣入兵起








雲氣入天高

天文錄曰天高主望八方雲氣  
今觀星臺之象曰白氣入早霜  
害禾稼




雲氣入天潢

天文錄曰天潢主河津渡涉事  
黃氣入天子喜安和兵罷蒼白  
氣入有喪赤氣入兵起庫有火




雲氣入咸池

天文錄曰咸池主陂澤魚鱉池  
沼黃氣入有喜事黑氣入大水  
蒼白氣入魚多死赤氣入主旱




雲氣入天關

天文錄曰天關主邊防道路黃  
氣入四方來貢玉帛







雲氣入天園

天文錄曰天園主蔬菜之所也  
有白氣入兵起



雲氣入參旗

天文錄曰參旗為天子弓旗也  
主兵弩之候赤氣入西胡來侵



雲氣入觜宿

晉書曰觜觶為三軍之侯有黃雲入兵出黑氣入大人憂



雲氣入參宿

晉書曰參為大臣主鉞鐵斬刈有蒼白雲入憂灾赤氣入内兵起





雲氣入玉井

天文錄曰玉井主水泉以給庖  
厨青氣入井水不可食

雲氣入天厠


天文錄曰天厠為溷隱主腰下  
疾赤氣入兵起黑氣入大人憂  
黃氣入天子喜





雲氣入積水


天文錄曰積水主水官供給酒  
食蒼白氣入憂水



雲氣入井宿


晉書曰東井為水衡主法令黃  
白氣入有水澤事興赤雲入有  
大水成疾病





雲氣入北河

天文錄曰北河主胡門白氣入  
邊境有兵又主胡王死




雲氣入積薪

天文錄曰積薪主外厨以給烹  
飪之事赤氣入憂火



雲氣入南河

天文錄曰河南主越門青氣入  
河道不通赤氣入天子用兵黃  
氣入有德令青氣入水傷人



雲氣入水位


天文錄曰水位主水衝瀉溢赤  
氣入大旱歲饑荒





雲氣入狼

天文錄曰狼星主野將侵掠赤  
氣入有兵革胡人侵掠民驚



雲氣入狐矢

天文錄曰狐矢弓矢也主行陰  
謀以備盜赤氣入民憂驚一日  
謀胡人入中國黑氣入胡人多  
病死








雲氣入鬼宿

晉書曰與鬼主視明察奸謀白  
氣入有疾病黑氣入大人憂



雲氣入老人

天文錄曰老人星主壽考白氣  
掩老人憂





雲氣入耀

天文錄曰耀星主烽火儆驚急  
赤氣入天下烽火動



雲氣入柳宿

晉書曰柳為厨宰主尚食和滋  
味赤氣入有夫火之憂黃雲入  
有赦



雲氣入酒旗

天文錄曰酒旗主宴會觴酌赤  
氣入君以酒食




雲氣入星宿

晉書曰七星主衣文繡蒼白氣  
入大人憂赤雲入四曲五曲不  
止者臣七







雲氣入張宿

晉書曰張宿主珍寶宗廟黃白  
氣入潤澤天子因喜賜客氣出  
天子使諸侯赤氣入用兵賜物



雲氣入天相

天文錄曰天相大臣之象若黃  
氣入大臣喜黑氣入將相憂



雲氣入翼宿

晉書曰翼為天樂府主徘徊赤  
氣入有暴兵黑氣三夜不出大  
入憂兵起

